

մՅդ.

Պատրիարք քաղաքիս յակոբ վարդապետն ի բազում ժամանակաց հետէ կրէր և կրէ հիւանդութիւն իմն վտանգաւոր. և արար յաւուրս յայտոսիկ զիմն, ընդ որ ամենայն ստամազլ քրիստոնէայք և անհաւատք սքանչացան և սքանչանան. և անուն իւր կրկնապատիկ փառաւորեցաւ, և զոր արարն այս է. զի ժողովեաց ի պատրիարքարանն զամենայն վարդապետս և զիշխանս հայոց, և հրաժարեալ ինքն ի պատրիարքութենէ, հաւանութեամբ նոցա կացոյց պատրիարք զգրիգոր վարդապետն զվէքիլն երուսաղէմի, որ թէպէտ չէ այնչափ գիտնական և բանիբուն, բայց է անմիաս և ըստ իմիք ջատագով ուղղափառացս դասուն, զորոյ զկապայ հագնիլն ի վէգիրէն և ես աչօք տեսի: Իսկ ինքն յետ նստուցանելոյն զնա յաթոռ իւր սիրով մեծաւ զնաց ի յիսկիւտար ի վանքն որ անդ առ ի զղեղորայս առնուլ վասն հիւանդութեանն. այս եղև ի մայիսի 25 և 26: (Հ. Զաքարիա առ Մեղգոնեան, 1764 յունիսի 1. [Կ. Պոլիս]):

մՅե.

Միքայէլ կաթողիկոսն լիբանանու գրեաց առ փրօփականտայն, թէ խնդրեմ ի ձէնջ զայս շնորհ, զի որչափ ալուննո հայ մանկունք գտցին ձեռնադրելի յիմնէ թեմէ, յղեսցին առ իս, զի ես ձեռնադրեցից. և սորա արարին ժողով, և ի ժողովի անդ՝ ել հաւանութիւն. և ըստ այնմ արարին տէգրէթն, զի միշտ յղեսցին այսպիսիք առ նա: (Հ. Մկրտիչ Ան. առ Մեղգոնեան, 1764 ի Հուսիսի 2 յունիսի):

մՅզ.

Պատրիարզն երկրիս¹ յոյժ հիւանդացաւ, և բազում եպիսկոպոսք ի պէսպէս քաղաքաց եկին և կուտեցան ի կոստանդնուպօլիս... կոչեաց պատրիարզն զբազում եպիսկոպոսս և զիշխանս եկեղեցեաց. և յետ բազում քննութեան, կոչեաց ինքն զվէքիլն երուսաղէմի զգրիգոր վարդապետն, և առաջի ամենեցուն ետ նմա զգաւազան իւր և զմատանի, և էարկ զփիլոն զանձամբ. և ողջունեաց զնա կոչելով զնա կեցցէ՛ պատրիարգ կոստանդնուպօլսոյ. զնոյնն արարին վարդապետք և իշխանք. և առեալ տարան առ եպարզոսն. իսկ եպարզոսն ծանոյց զայն արքային, և արքայն հաստատեաց զնա վեհ ազգին, և եկն նստաւ յաթոռ. իսկ հինն հրաժարեցաւ, և զնաց նստաւ ի վանսն իսկիւտարու... սորա [Գրիգոր պատրիարքի] իբր կառավարիչ կացուցաւ մեր սարգիս վարդապետն, քանզի գոլով նա երիտասարդ հասակաւ, բարւոք է ունիլ նմա զծերունագարդ ոք ի կառավարել զնա: Եւ ինքն, այս է սարգիս վարդապետն կացուցաւ ի տեղի նորա վէքիլ երուսաղէմի: (Արսևաւս ևպս. և վ.իք. առ Մեղգոնեան, 1764. ի Կոստ. ի յունիսի 2):

մՅե.

Ի ստամազլ ի վէգիրէն նորոգեալ է եասախն և սաստկացեալ. ոչ միայն զսեաւս զգենուլ որպէս արդէն զգենուին, այլ և զնոյն սեաւն անպաճոյճ զգենուլ. և զխալփախի մորթն նեղ, և ըստ քիպրիթճիի առնել ևն.: (Մեղգոնեան առ Հ. Մկրտիչ, 1764 յունիսի 9. [Ս. Ղազար]):

1. Յակոբ հիւանդ Պատրիարք: